

宸情上達景貺下臨邦畿懋輯於休徵宗社  
協符於元吉臣等遵依科範虔建清壇齋信  
質心法天像地六朝行道一念皈依果滿功  
圓諸天復位臣等所佩官將及臨壇效職一  
切威靈宣通召命營衛齋修並有勲績謹為  
言功進呈素悃依格還賞待乞慈容所有表  
文謹當宣奏

宣表

回將牒

焚化

十二願

存神燒香

香官使者左右龍虎君侍香諸靈官當令臣  
向來解壇散席之所自然生金液丹碧芝英  
百靈眾真交會在此香火鑪前上願十方仙  
童玉女接侍蘭煙傳臣向來所啓之誠速達  
徑御  
至真無極大道三清上聖昊天至尊金闕玉  
皇上帝御前

出堂頌

下壇都門外立

辭三寶

朝修已畢表對云周道冠虛無恩覃海宇

皇圖地久

聖壽天齊指首拜辭

十方道寶

金童進善玉女奏功名掛金牌經藏寶經草

安

皇極慶集邦畿指首拜辭

十方經寶

嘯鍾息響寶象清煙師返太清福流家國玄

風廣布道化興行指首拜辭

十方師寶

願諸眾生諸惡莫作眾善奉行不墮素緣常

居感世有情合識同證無為指首拜辭

十方眾聖

向來

引班詣靜默堂謝師

金籙解壇儀

金籙設醮儀

法事如式

各禮師存念如法

請宣神呪

五星列照煥明五方 水星却災 木德致昌

變感消禍 太白辟兵 鎮星四據 家國利亨

名列玉簡 宇錄帝房 乘輿散景 飛騰太空

出入冥無 遊宴十方 五雲洋溢 招神攝風

役使萬靈 上衛仙翁指首拜辭與道合真

鳴法鼓二十四通

無上三天玄元始三炁太上老君召出臣身

中三五功曹左右官使者左右捧香驛龍騎

吏侍香金童傳言玉女五帝直符直日香官

各三十六人出出者嚴裝關啓玄壇土地方

域神真巨令靜夜設醮朝修欽奉 其諸丹

悃具載詞文願得

太上至真道炁靈寶瑞光下降流八臣等身

中令臣所啓之誠速達徑御

至真無極大道三清上聖昊天至尊金闕玉

皇上帝御前

請稱法位

具位臣姓某與臨壇官衆等謹同誠上啓  
虛無自然無極大道玉清聖境元始天尊上  
清真境靈寶天尊太清仙境道德天尊昊天  
至尊玉皇上帝勾陳星官天皇大帝中天星  
主北極紫微大帝承天效法后土皇地祇東  
極青華大帝南極長生大帝虛無諸天天尊  
虛無諸天上帝神霄九天上帝九天生神上  
帝五方五老上帝五福十神太乙真君北斗  
中高上玉皇尊帝北極玄卿大帝日宮太陽  
帝君月府太陰皇君五方五德星君玄都四  
曜星君南斗六司星君北斗九皇星君東西  
中三斗星君五斗中神仙諸靈官天罡大聖  
奎光帝君三台華蓋星君二十八宿星君十  
二官分星君六十甲子星君  
皇帝本命星君  
皇太子本命星君帝座照臨真宰周天宿度  
星真三元三官大帝三元曹府真仙北極四  
聖真君閣下真宰清微靈寶歷代師真祖師  
三天大聖師正一真君正一三師真君左右

王趙二真人三十代天師虛靖真君正一歷  
代傳教師真三洞四輔經錄中真仙聖眾九  
天採訪使真君天曹太皇萬福真君九天天  
曹列班真宰西山許吳十二位真君太極仙  
翁真君華蓋三仙真君三茅司命真君諸司  
院府主法高真上界朝元真宰雷運法部官  
君法靖所隸官將吏兵五嶽五天聖帝嶽府  
威靈水府扶桑大帝水鄉仙衆太歲城隍祀  
典三界應感真靈內廷五祀之神監醮香官  
使者玄虛下降糾察真司恭望洪慈俯垂洞  
鑒臣伏以範圍天地之道由三炁以混疑胎  
回雲漢之章自五篇而敷落至陽赫赫大量  
玄玄妙不可以言思功實參於化育顧肅科  
之肇立惟醮設以先垂願精感以回天協寅  
恭而卜日昭事

上帝松花之會實臨懷柔百神靈藻之誠可  
薦感通靡間鑿享無遺以今臣等恭承  
旨命以虔祈敬款上玄之靈馭香案之祥煙  
散彩蠟臺之瑞影天輝彪馬駕行儀分班於  
左右龍旂鸞輅想駕雲於空浮著明懸兩曜

之光經緯仰衆星之拱幽明洞啓地神湧玉  
局之傍浩渺泓澄水帝出珠官之表金糾策  
霧遠辟三島之仙鄉鐵馬嘶風近侍九重之  
香案衆真交會萬衆森羅瞻穆穆之皇皇故  
雍雍而肅肅俯臨法席惠鑒精誠巨與禮官  
法衆等謹稽首再拜遙望天階祇迎聖駕  
降醮筵兩班列聖  
三界衆真醮筵列聖向伸奉請諒沐光臨請  
肅整於仙班共祇迎於  
帝馭

降七御  
鸞輿至止鶴駕臨軒與醮衆真如儀朝禮朝  
禮既周各陞壇座臣與禮官等再拜上香恭  
行初獻  
初獻法事

重稱法位  
具位臣姓某與臨壇官衆等謹重誠再拜上  
啓  
虛無自然三清三境天尊金闕至尊三皇上  
帝承天效法后土皇地祇諸天諸地諸水諸

山三界十方真萬聖醮筵感降一切威靈  
恭望洪慈俯垂洞鑒臣伏以有願必從應默  
同於影響無德不報敬實在於精誠仰惟  
皇極之尊榮恭按師真之教典齋修金錄儀  
敬展於朝修誠格鸞與禮畢陳於醮謝理無  
有二事豈懸殊惟求福之不回皆至誠之所  
感洋洋在上洞洞乎中設醮青詞謹當宣奏

宣詞

恭承

詞旨備極精誠惟一念之懇祈庶幾默感在  
多儀之克享敢薦明極

皇皇上帝之臨渾渾百靈之會居歆歆莫肆  
集禎祥聰明睿知足以有臨就今文章煥乎  
可述無為而治克臻清靜之風有物皆春永  
樂太平之世

皇國廣大

聖算綿長臣與禮官等再拜上香恭行亞獻

亞獻法事

臣謹重誠上啓

虛無三清上聖妙有十極高真三界萬靈十

方東聖醮筵感降一切真靈恭頌洪慈俯垂  
洞鑒臣伏以臨汝而無有貳  
上帝居歆體物而不可遺敬神如在惟俯撫  
於丹悃用仰答於洪恩首陳之志恭奉版倚  
之誠翼翼伏願神享于誠天作之福流恩  
家國永揚不息之機敏福宗藩式副皮折之  
請有求皆應無感不通臣等致恭禮神終獻

終獻法事

宣狀疏

臣謹重誠上啓

三清上帝十極高真玄宮  
帝座星真厚地洞天海嶽醮筵感降一切威  
靈臣伏以晉接惟恭幸仰瞻於天仗節文成  
禮敢久款於輿輝輝蠟炬之殘表與鑪香  
之燼金鐘韻息玉漏聲催乘清氣而御陰陽  
目送龍輿之舉戴

皇天而履厚土躬依鴻覆之仁臣與禮官法  
衆等無任攀戀感恩荷德之至謹稽首再拜  
奉辭聖駕

送聖頌

存神燒香

香官使者左右龍虎君侍香諸靈官當令臣  
向來設醮之所自然生金液丹碧芝英百靈  
衆具交會在此香火洞素鐘前當願十方仙  
童玉女接侍蘭煙傳臣向來所啓之誠速達  
徑御

至真無極大道三清上聖昊天至尊金闕玉  
皇上帝御前

金錄設醮儀